

HITZARGIAK – Lenguas que se iluminan mutuamente

“Iniciativa pol Asturianu nes ondas” y “Alderiques d’asturies”

INFORMACIÓN GENERAL

FECHA: 29/02/2015

1	Nombre	Iniciativa pol Asturianu
2	Idioma	Asturianu
3	Área de trabajo (educación, comunicación, enseñanza, ocio, administración...)	Comunicación
4	Email o teléfono de contacto	Inaciu Galán inaciugalan@gmail.com
5	Redes sociales (Página web, Facebook, Twitter...)	Iniciativapolasturianu.org Alderiquesdasturies.com @iniciativaxAst facebook.com/iniciativapolasturianu

DESCRIPCIÓN BUENA PRÁCTICA

1 Descripción de la actividad

“Iniciativa pol Asturianu nes ondas” y “Alderiques d’asturies” son un proyectu conxuntu de la ONG Iniciativa pol Asturianu en colaboración con Conocer Asturias y Producciones Gomeru.

El proyectu tien dos estayes:

“Iniciativa pol Asturianu nes ondas” ye un programa de radio per internet que s’emite amás, gracias a alcuerdos con emisores de tol territoriu asturianu, en más de 12 emisores d’Asturies cada selmana. Esto permite llegar a miles de persones y a perfiles de población que nun acceden a internet.

El programa emítese cada selmana nes siguientes emisores per tol territoriu d’Asturies en:

Onda Peñes (107.7 FM, Carreño y Gozón)

Onda Corvera (107.5 FM)

Radio Narcea (107.5 FM, Cangas)

Radio QK (107.3 FM, Uviéu)

Radio Sele (106.1 FM, Uviéu)

Radio Parpayuela (94.0 FM Mieres)

Radio Nava (108.0 FM, Nava)

Radio L.lena (105.8 FM, L.lena)

Radio Noreña (Siero y Noreña)

Radio Ujo (107.2 FM, Mieres)

Radio AllerFM (Ayer)

Radio Llaviana (107.7 FM, Llaviana)

y pa la emigración asturiana en

Radio Alma (101.9 FM, Bruseles)

y nes canales d’Iniciativa pol Asturianu n’Ivoox y YouTube

“Alderiques d’Asturies” surge dempués como la primer canal de TV online n’usar l’asturianu como idioma vehicular, con una programación independiente, dinámica y orientada a tolos públicos. Dende va unos meses emite los sos programes tamién na TDT y na televisión per cable d’Asturies.

Dambos son proyectos autofinanciaos y xestionaos por equipos de persones venceyaes a Iniciativa pol Asturianu.

Fundada en 2011 Iniciativa pol Asturianu ye una ONG que trabaya pola normalización del idioma asturianu y pol reconocimientu de los drechos llingüísticos de los sos falantes. Atalantamos que l’asturianu ha ser

vertebrador de la sociedad asturiana y que'l so usu ha ser treversal, afalando a les instituciones, organismos privaos y sociedad civil a tomar les midies necesaries pa la so normalización como ferramienta de comunicación, elementu identitariu y patrimoni u cultural y económicu de la sociedad asturiana que ye.

L'ámbitu de trabayu de la organización ye l'actual territoriu de la comunidad autónoma d'Asturies, anque al traviés de la colaboración con otres organizaciones del dominiu llingüísticu asturleonés, trabajamos a comuña polos oxetivos yá citaos, y qu'atalantamos han llograse en tol territoriu onde l'asturianu o asturleonés ye llingua propia.

Iniciativa pol Asturianu ye un colectivu abiertu a toles persones esmolecías pola situación del asturianu y comprometies con cambiar esta situación. Trabayanos en campañas reivindicatives, pero tamién en proyectos pa construyir espacios de normalidá pal usu del asturianu. Asina, firmamos convenios con empreses y entidaes pa fomentar l'usu del asturianu na so actividá, ponemos en marcha proyectos audiovisuales como Alderiques d'Asturies o los nuestos programes de cursos d'alfabetización p'adultos, siempre ensin nengún tipu d'ayuda pública. Esta ye una de les regles de la organización dende la so fundación, autoxestionar los sos propios recursos pa implicar a la sociedad nel nuesu sostenimientu y pa garantizar la llibertá d'acción frente a les instituciones.

Iniciativa pol Asturianu trabaya pola busca de consensos y alcuerdos nel ámbitu políticu y social, abrir nuevos campos non esploraos y llevar el conflictu llingüísticu d'Asturies a les instituciones asturianas, estatales, europees ya internacionales.

Iniciativa pol Asturianu trabaya, a nivel organizativu, puxamos pa crear una rede nel territoriu asturianu que-y permita a la organización tener una presencia na cai en tolos conceyos del país, averando la reivindicación llingüística a tolos ciudadanos.

Apostamos por un modelu de reivindicación, qu'ensin escaecer el problema global de la situación del idioma, igüe problemes concretos nel usu del mesmu en tolos ámbitos.

2**Resumen de la descripción de la actividad**

“Iniciativa pol Asturianu nes ondas” y “Alderiques d’asturies” son un proyectu conxuntu de la ONG Iniciativa pol Asturianu en colaboración con Conocer Asturias y Producciones Gomeru.

El proyectu tien dos estayes:

“Iniciativa pol Asturianu nes ondas” ye un programa de radio per internet que s’emite amás, gracias a alcuerdos con emisores de tol territoriu asturianu, en más de 12 emisores d’Asturies cada selmana. Esto permite llegar a miles de persones y a perfiles de población que nun acceden a internet.

“Alderiques d’Asturies” surge dempués como la primer canal de TV online n’usar l’asturianu como idioma vehicular, con una programación independiente, dinámica y orientada a tolos públicos. Dende va unos meses emite los sos programes tamién na TDT y na televisión per cable d’Asturies.

Dambos son proyectos autofinanciaos y xestionaos por equipos de persones venceyaes a Iniciativa pol Asturianu.

Fundada en 2011 Iniciativa pol Asturianu ye una ONG que trabaya pola normalización del idioma asturianu y pol reconocimientu de los drechos llingüísticos de los sos falantes. Atalantamos que l’asturianu ha de ser vertebrador de la sociedá asturiana y que’l so usu ha de ser treversal, afalando a les instituciones, organismos privaos y sociedá civil a tomar les midies necesaries pa la so normalización como ferramienta de comunicación, elementu identitariu y patrimoniu cultural y económicu de la sociedá asturiana que ye. Iniciativa pol Asturianu trabaya pola busca de consensos y alcuerdos nel ámbitu políticu y social, abrir nuevos campos non esploraos y llevar el conflictu llingüísticu d’Asturies a les instituciones asturianas, estatales, europees ya internacionales.

3**Precedentes**
(Motivaciones o necesidades previas a la implementación)

La falta d’una programación n’asturianu na RTPA (la radiotelevisión autonómica pública) onde emiten menos d’un 5% n’asturianu y ensin tresversalidad nos conteníos, fizo que mos diéramos cuenta de la necesidá de dar pasos dende la sociedá civil pa poner en marcha un proyectu de radio, y más tarde de tv n’asturianu.

4	Objetivos	<p>-Ufrir un mediu de comunicación audiovisual n'asturianu a la publicación.</p> <p>-Ser exemplu d'una programación variado y de cómo pue falase de cualesquier tema usando l'asturianu nos medios.</p> <p>-Difundir idees postivies alrededor de la normalización, la propia llingua asturiana y la cultura d'Asturies en xeneral.</p>
5	Área de influencia general y colateral	Tol territoriu asturianu y les demás zones del dominiu llingüísticu asturleonés, asina como l'abondante emigración asturiana pel mundu.
6	Entidades colaboradoras y sus áreas de trabajo	Iniciativa pol Asturianu ye la impulsora principal, en collaboración con Conocer Asturias (un mediu de comunicación) y Gomeru Producciones, creada dempués por parte del equipu d'Alderiques d'Asturies.
7	Periodo de implementación	Iniciativa pol Asturianu nes ondes entamó en xineru de 2012 como programa mensual, en xunu del mesmu añu convirtióse en programa selmanal. Alderiques d'Asturies ñaz en xineru de 2014 n'internet y entama a emitir na TDT en xineru de 2015.

INFORMACIÓN COMPLEMENTARIA FICHA BUENAS PRÁCTICAS

8	Expansión (número de personas, expansión interna e externa...)	Nel proyectu participen una docena de persones.
9	Inversión (económica, tiempo, personas...)	La inversión ye mínima, yá que trabayamos con equipos de voluntariáu, cubriendo los mínimos gastos, na so mayor parte con dalguna acción publicitaria, asina como con aportaciones d'Iniciativa pol Asturianu.
10	Resultados obtenidos	Más de 400 programes de radio emitíos, y alrededor de 100 espacios televisivos, con alrededor de 70.000 visualizaciones en YouTube.
11	Documentación, material referente	
12	Video de presentación	https://www.youtube.com/watch?v=sHYxdAULMu0

